

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	I dërguari i Trump, me mision lobimi në Tiranë për rizgjedhjen e kreut të FIFA - Reporter.al
ADRESA	https://www.reporter.al/2026/09/14/i-derguari-i-trump-me-mision-lobimi-ne-tirane-per-riz-gjedhjen-e-kreut-te-fifa/
BURIMI	reporter.al
GJENDJA	online

KOHA


KAPUR NGA NE	14 shtator 2026, 05:11:51 UTC <i>Dritarja jonë e pasigurisë: ± 1800 s — intervali me të cilin e kontrollojmë këtë burim.</i>
DEKLARUAR NGA PORTALI	14 shtator 2026, 04:54:37 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	8aa322da7d3507a68b431a9f6c26936a037427bfc2072ea088b10fa7b639da49
TEKSTI	205fd80e18e12cac96cf3b14dd8215b8c2f310c74796432e559fe82d06709547
PAMJA	c252fed3427d4b8283c905e95b562be379d85e47d73690bc5fa44fdbedd7d1be

ZINXHIRI I PROVËS

KJO HYRJE	5df4297b8c219b3686742273accdb8cb3a5a643b9d3867143c47cea29e4ab574
E MËPARSHMJA	—
RRËNJA MERKLE	802fc1a11f66b2bf4f53771f6f9d95f61ad1fdea29021ebc6d19fcbc892004b4
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet, në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/5df4297b8c219b3686742273accdb8cb3a5a643b9d3867143c47cea29e4ab574>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

TEMA:

BELINDA BALLUKU

ERION VELIAJ

VETING

SPAK

MJEDISI

EDI RAMA

SALI BERISHA

ZGJEDHJE 2025

Kryefaqja Investigime

I dërguari i Trump, me mision lobimi në Tiranë për rizgjedhjen e kreut të FIFA

Vizita në FSHF e të dërguarit special të presidentit Trump në Tiranë, Paolo Zampolli duket se lidhet me një përpjekje lobimi për rizgjedhjen e Gianni Infantino në krye të FIFA, edhe pasi Shqipëria tërhoqi zyrtarisht mbështetjen për të.



nga Vladimir Karaj — 2 minutes më parë

në Artikull kryesor, Artikull kryesor Investigime, Investigime Koha e leximit: 5 min lexim

AA

0



presidenti duka paolo zampolli ver re ndryshimin me foton e instagramit te zampollit 4

Më 8 shtator, i dërguari special i Presidentit të SHBA-ve për Partneritetet Globale, Paolo Zampolli zhvilloi një takim të papritur me presidentin e Federatës Shqiptare të Futbollit, Armando Duka.

Dy burrat pozuan duke buzëqeshur përballë pllakatës në hyrje të Federatës, e njohur si "Shtëpia e Futbollit", ndërkohë që Zampolli veçoi me këmbëngulje me gishtin e tij tregues një emër mbi pllakë: Gianni Infantino, President i FIFA-s.

Edhe pse takimi u prezantua zyrtarisht nën petkun e "diplomacisë sportive", BIRN mësoi se pas tij fshihet një mision lobimi.

Përtej rolit si i dërguar i Shtëpisë së Bardhë, Zampolli është një avokat i hapur dhe i zjarrtë i Gianni Infantinos dhe gjatë vizitës së tij në Tiranë, ai kërkoi mbështetje për rizgjedhjen e tij për një mandat tjetër 4-vjeçar në krye të FIFA-s.

Vizita e Zampollit në Tiranë u zhvillua në një moment delikat për kreun e FIFA-s, i cili po përballet me tërheqje të njëpasnjëshme të mbështetjes nga federatat europiane të futbollit për shkak të një propozimi të dështuar për shitjen e të drejtave të Kupës së Botës tek një konsorcium privat.

Federata Shqiptare e Futbollit e ka tërhequr gjithashtu zyrtarisht në gusht mbështetjen e dhënë më parë për Infantinon për një mandat të ri në krye të FIFA-s.

Përfshirja e një të dërguari të Shtëpisë së Bardhë për të lobuar për kreun e FIFA-s e bën këtë vizitë kontroverze, pasi rrezikon të shkelë një nga parimet më strikte të statutit të futbollit botëror, ndalimin e ndërhyrjes së politikës shtetërore në pavarësinë e federatave.

Vetë Zampolli e përshkroi vizitën e tij në zyrat e FSHF-së me fjalët: "Diplomacia sportive 'America First' [Amerika e Para] në veprim".

I pranishëm në takimin mes Zampollit dhe Dukës, Ilir Kulla, një ish-këshilltar i lartë shtetëror dhe ekspert i sigurisë, pranoi se mandati i Infantinos kishte qenë pjesë e takimit, por shtoi se për këtë duhej të fliste kreu i FSHF-së.

"Ka një të vërtetë, por besoj që i takon Dukës," tha Kulla përmes një mesazhi.

"Infantinon e kanë mik të përbashkët dhe është mik i Trump-it," shtoi më tej ai.

I dërguari i Trump, me mision lobimi në Tiranë për rizgjedhjen e kreut të FIFA

06:54 | 14/09/2026

"Bed & Breakfast": Në Durrës, bizneset po heqin dorë nga numërimi i turistëve

07:47 | 13/09/2026

'PISA 2025': Pasqyra e deformuar e suksesit të qeverisë me arsimin

08:31 | 12/09/2026

Qeveria jep 90 mijë m2 me 1 euro për investimin strategjik në Gjirin e Lalëzit

16:53 | 11/09/2026

Gjykata urdhëron Ministrinë e Financave që të zhbllokojë pagat e GJKKO

13:51 | 11/09/2026

Rama shkarkon ministrin e Brendshëm pa motivacion publik

11:43 | 11/09/2026

E pyetur për lobimin e Zampollit në Shqipëri, FIFA mohoi përmes një zëdhënësi çdo përfshirje të mundshme të kreut të saj.

"Presidenti i FIFA-s nuk ka dijeni për këtë çështje dhe nuk i ka dhënë udhëzime askujt," tha zëdhënësi.

Kreu i FSHF-së, Armando Duka ishte i paarritshëm për koment, ndërkohë që një zëdhënës i FSHF-së i tha BIRN-it se përsa i përket Infantinos, institucioni shqiptar mban të njëjtin qëndrim si qeveria europiane e futbollit: "Ne kemi qëndrim të unifikuar me UEFA-n."

Mbështetje për Infantinon



Foto e takimit mes Zampollit dhe Dukës në FSHF.

Zampolli është një biznesmen italo-amerikan, i njohur gjerësisht si mik i afërt i presidentit të Shteteve të Bashkuara, Donald Trump dhe si njeriu që i ka prezantuar këtij të fundit bashkëshorten e tij, Melania.

Megjithatë, profili i tij publik ka pasur edhe hije dyshimi, teksa emri i tij është lakuar në media për shkak të përmendjes në rrethin e kontakteve të miliarderit të akuzuar për abuzime seksuale me të mitur, Jeffrey Epstein.

Përtej rolit si i dërguar i Shtëpisë së Bardhë, Zampolli është pozicionuar hapur përkrah Infantinos. Në një artikull të gjatë të publikuar së fundmi, "Faji i vërtetë i Gianni Infantinos: Hapja e futbollit ndaj botës", Zampolli e mbron Infantinon si një kampion të vendeve të vogla që po lufton monopolin europian.

Në këtë material, ai argumenton se fushata kundër Infantinos është "shkëputur nga perspektiva dhe faktet" dhe thekson se faji i vërtetë i presidentit të FIFA-s është sfidimi i një ekonomie globale ku, Europa gjeneron rreth 70 për qind të të ardhurave dhe kërkon ta kthejë këtë sukses në një "mur që mbron privilegjin nga pjesa tjetër e botës".

Zampolli është bërë edhe më herët lajm ndërkombëtar në lidhje me futbollin.

Para fillimit të Kupës së Botës në SHBA, Meksikë dhe Kanada që përfundoi në korrik, ai propozoi që Irani, me të cilin SHBA-të ishin në konflikt, të zëvendësohej në këtë garë nga Italia. Por propozimi i tij u përqesh dhe u rrëzua, pasi nuk mbështetej në asnjë prej rregullave të lojës.

Përplasja mes UEFA-s dhe Infantinos



Zampolli dhe Duka duke shenjuar emrin e Infantinos në pllakatën e godinës së FSHF. Foto:

Instagram.

Dëmiakia e të dërguarit të Trump-it në të cilin mbështetja në kandidimin e Infantinos

Përgjigja e të kërguar të Trump në për të kërguar mesazheve për marrëdhëniet me Infantino vjen si pasojë e një krisjeje të fortë mes UEFA-s dhe FIFA-s. Krisja erdhi pas propozimit të dështuar të Infantinos për strukturën e re të investimeve, e cila konsistonte në një plan për t'i shitur të drejtat e turneve të FIFA-s, përfshirë Kupën e Botës, të një konsorcium privat investitorësh në këmbim të miliarda dollarëve investime – një lëvizje që u kundërshtua ashpër nga komuniteti i futbollit për mungesë konsultimesh paraprake, duke e detyruar kreun e FIFA-s ta tërhiqte atë.

Pas kësaj përplasjeje, që erdhi menjëherë pas përfundimit të Kupës së Botës, UEFA dhe një sërë federatash pjesë e saj, përfshirë Gjermaninë, Anglinë, Francën dhe një sërë vendesh të tjera, tërhoqën mbështetjen për Infantinon.

FSHF iu bashkua këtij grupi më 6 gusht 2026, kur Presidenti i FSHF-së, Armand Duka, i dërgoi një letër zyrtare Sekretarit të Përgjithshëm të FIFA-s, Mattias Grafström, për t'i komunikuar tërheqjen e mbështetjes. Përmes këtij dokumenti, FSHF njoftonte revokimin e mbështetjes së dhënë më herët, konkretisht më 20 maj 2026, për kandidaturën e Gianni Infantinos për një mandat të ri katërvjeçar në krye të institucionit.

Në letër theksohej se vendimi ishte marrë pas "konsultimeve të mëtejshme të brendshme dhe një shqyrtimi të kujdesshëm". Ndonëse FSHF përdori një gjuhë diplomatike në shkresë, tërheqja vjen në vijim të qëndrimeve të ashpra të federatave europiane lidhur me proceset e qeverisjes së FIFA-s.

Në rrugë zyrtare, FSHF zgjodhi ta mbajë çështjen e lobimit jashtë vëmendjes së publikut, duke u fokusuar te njoftimet për diplomacinë sportive. UEFA refuzoi të përgjigjej, duke sugjeruar që pyetjet duhej t'i drejtoheshin Tiranës zyrtare.

Axhenda e ngjeshur dhe "Shteti Bektashi"

Gjatë vizitës në Tiranë, Zampolli nuk u mjaftua vetëm me futbollin, por zhvilloi një axhendë të ngjeshur takimesh me përfaqësues të institucioneve shtetërore, klerikë dhe drejtues të sportit.

Në daljet e tij publike, ai u përfshi edhe në debatin më të fundit gjeopolitik dhe fetar në vend, lidhur me çështjen tejet kontroverse të krijimit të "Shtetit Bektashi" brenda kufijve të Tiranës.

"Mendoj se është një projekt i shkëlqyer. E kam dëgjuar kryeministrin të flasë, dëgjova shenjtërinë e tij [kreun e bektashinjeve] dhe njerëzit tuaj vendosin ose do të vendosin. Mendoj se komuniteti ndërkombëtar respekton vendimin e popullit shqiptar," tha Zampolli për gazetarët pas takimit.

Kjo u pasua nga takime të tjera, duke përfshirë kreun e Komitetit Olimpik Kombëtar Shqiptar, Fidel Ylli, Ministrin e Ekonomisë dhe Inovacionit si dhe zv. ministrin për Sportin me një axhendë zyrtarisht të fokusuar te partneritetet globale, investimet dhe diplomacia amerikane.

Etiketa: Armando Duka Donald Trump FIFA Gianni Infantino Ilir Kulla Lobimi Paolo Zampolli UEFA

Reporter.al

Opinion
Reportazhe
Analiza
Investigime
Lajme
Blog
Rajoni

Rreth nesh
Stafi
Kontaktimi
Ankesa dhe Korrigjime
Politika e privatësisë dhe
rregulla të tjera
Letra për redaktorin

Follow Us



Të gjitha të drejtat janë të rezervuara
© 2014 - 2026 Reporter.al - BIRN
Dev by Slida.PRO